

書名 皇明文衡一百卷 正德五年  
 序刊本  
 撰者 明 程敏政 輯, 明 范震、李  
 文會 校  
 卷 卷九十  
 內容分類 集 總集 各代 明  
 索書號 大木 集部 總集類 30  
 編號 D7861500

# 卷九十



皇明  
 文衡卷之一

[彩色首頁1](#)

[東洋文化研究所漢籍目錄 編號: D7861500](#)

[東洋文化研究所漢籍目錄所藏漢籍善本文影像資料庫 索書號: 大木 集部 總集類 30](#)

[漢籍善本文影像資料庫文本 皇明文衡一百卷 正德五年序刊本](#)

[版權所有: 東京大學 東洋文化研究所](#)

[使用上的注意事項](#)

代古檄

中原檄



翰林院學士新安程敏政選編  
 鄉進士國子監助教永康范震校正  
 賜進士應天府儒學教授郊鄧李文會重校


宋濂



自古帝王臨御天下中國居內以制夷狄夷狄居外以奉中國  
 夷狄治天下也自宋祚傾移元以北狄入主中國  
 固不臣服此豈人力實乃天授然達人志士尚有  
 一嘆自是以後元之臣子不遵祖訓廢壞綱常有  
 如大德廢長立幼泰定以臣弑君天曆以弟醜兄至於弟技



0 1 2 3 4 5 6 7 8 9 10









文衡卷之九十


墓誌銘

行人羅君墓誌銘

劉儼

正統十四年秋虜入寇逼宣府城告急者日數至

太上皇帝時在御親率六軍往拒之分官扈從而行人司則  
司正尹君昌行人羅君如壙濱行約同行於尹君所凡四人  
尹於予居相比羅君過予曰適與妻子別諭曰從 駕出征  
危事也非使命時此萬一不幸我必死以報國我死其抱吾  
二子徵狀元劉堯先生編脩陳先生文以著吾不朽予驚拒之  
曰何為出此言也君笑曰一得之愚及敗績報至予往問其  
家道臨別之言如出一口予乃痛哭曰如壙必死無歸矣其  
臨別之言可信也明日尹君先自軍前遣歸其僕至於行裝





中得詩凡十八首皆與如壻及刑部員外某相偁稱其詩大率傷奸臣擅權軍無紀律憤以不虧臣節相勉期予讀之竟痛哭曰如壻必死無歸矣觀是詩可知也其後同行四人三有詩者果不還予以是知土木之役有弃義而逃者有雖知義而迫於不得已者有如吾如壻素定於死其於所謂從容就義者幾矣及是

朝廷旌其義詔其子鑑入太學以俟擢用鑑來徵銘於乎此如壻之志也言猶在耳予敢辭乎如壻字本崇別號竹峰世家廬陵之印崗高祖中正元瀘州同知曾祖伯剛元鄉貢士祖彥偲父惟最皆<sup>少</sup>知學有聞公自少穎異初從安慶司訓母舅王來旬讀禮記垂成乃歎曰詩吾世業也可自<sup>自</sup>廢絕耶遂學究兩經鄉大家父聘為子弟師太守四明陳公聞而召之

見賦以長江萬里圖賦君援筆立成累千言皆新奇有深意公奇之以為邑庠生予時於陳公所見是賦已心識而敬服矣正統七年君由鄉貢與予同以文辭登進士第除行人司行人由是日親且厚間從出使歸必過予道其道途所過古聖賢祠墓遺跡或祭以文或歌以詩疊疊不厭且論所至藩臬郡縣官賢否歷歷如指諸掌後驗其人成敗果然蓋君若溫然和易而其中剛介明白人不得而欺故所至人皆敬而畏之平生孝於親友於兄弟於朋友急其難雖禍患有所不避其文章辯博暢達喜往復然皆有法度而宿於理其材贍故求無不應者卒之日年四十有六兩娶皆郭氏子男三人長即鑑次其俱繼室出其遺腹生也諸孤以其年月日立木主葬公于某山之原於平民生於三事之如一佳其所在



則致死焉君能致其死無愧為人臣矣銘曰  
忠魂義氣與造物游隨寓而安奚必首丘亦有歸時茲為幽  
宅人感其義過焉必式

奉天翊衛推誠宣力守正文臣特進光祿大夫柱國  
靖遠伯追封靖遠侯謚忠毅王公墓誌銘

彭時

公諱驥字尚德姓王氏其先本太原人自秦漢以來為將相  
者踵接蟬聯族遠而分世次莫可考後有宦游雲中者因家  
宣寧即公所自出也曾祖守道克世儒業祖思宗仕元保定  
高陽尹父成以宦家子留居干東鹿呂村里入  
國朝遂占籍焉成以讀書力農為務里鉅族程子晉見而賢  
之妻以愛方是為公之母夫人也公生而岐嶽警敏年十三

游邑庠刻志問學日記數千言識者咸以遠大期之永樂丙  
戌登進士第拜兵科給事中剛正敢言嘗奉 命出鎮山西  
奏蠲徐溝鹽池虧課二十餘萬民困以蘇尋陞山西按察副  
使理冤獄戢姦盜風紀振肅入為順天府尹弛張得宜畿內  
稱治宣德丁未陞行在兵部右侍郎越九載遷尚書練達兵  
政得大臣體正統丁巳虜酋阿台朶兒只伯數寇邊甘涼數  
州驚擾尤甚

朝廷患之命公西巡許以便宜行事公至稽閱邊備知守將  
法弛而令不嚴歎曰如此而欲虜無侵凌難矣朔日集眾轉  
門詢平日畏敵而不畏將者得都指揮安敬即斬以徇曰自  
今畏縮者視此一軍震慄失色因簡閱戍兵以甘州戍兵冗  
濫乃定為去留使相更代於是兵得休息民減轉輸之勞虜



嘗入莊浪公遣兵投以方略使擊敗之虜乃引去及公還虜復窺邊公馳赴甘肅遣副將蔣貴率精騎出擊戒曰勉之去而不能成功無相見也貴感奮追敗虜衆於石城兒泉公計虜勢猖獗不一大擄刈無以示威既謀知虜巢穴所在復以貴爲先鋒擣之自率驍騎與都督任禮等分道而出刻期夾攻轉戰二千餘里俘男女三千餘口虜酋走死西陲以寧捷聞

上遣中貴勞以金幣命兼大理寺卿支二俸明年還京辛酉雲南麓川宣慰思任發叛亂擾邊命公總督諸軍征之陛辭賜金瓿九整細鎗弓矢蟒龍緋袍以寵其行公至雲南方盛暑衆謂進兵非宜公曰賊毒吾民行可緩乎敢言不進者斬遂部分諸軍以進至金齒分爲三道徑抵上江上江者賊

砦所在也夾攻三日不下會天大風公命縱火焚柵因者衆乘勢力戰斬首五萬餘級賊敗走保險爲拒公益麾兵深入破連環七砦于沙木籠山又破象陣于馬鞍山之陰死者十萬餘賊首潛遁乃振旅而還先是維摩州賊韋郎羅僭稱廣新王命公還師勦之至是公還雲南計曰此不足血吾刃當以謀破之乃遣偏師抵其境聲言王尚書大軍至矣賊黨聞而潰韋賊計窮遁安南傳檄追之安南懼斬其首并妻子來獻廣南與富州接境二土官交惡十餘年公諭以禍福兩難乃釋凱還

上遣官迎勞數百里外廷見宴賜甚厚特封靖遠伯食祿一千二百石號推誠宣力武臣階特進榮祿大夫勳柱國賜誥券追封三代如其爵未幾聞麓賊思任發羈于緬甸復



以督軍往取之既至緬人懷詐黨惡而不遣公縱兵攻緬緬  
破而麓賊遁去俘其妻子象馬而還加祿三百石是年秋西  
巡寧夏甘涼申飭邊備訓練士卒其於守戰攻擊俱有方法  
虜聞風畏避不敢近塞戊辰春賊孽思機發復據孟養跳梁  
公復督兵往征兵抵金沙江賊柵西岸以拒公作浮梁渡兵  
一鼓破之賊退立三柵自保公督戰益急不日而三柵拔賊  
孽殲焉西南自是悉平有苗虫富者偽稱剽平王別將屢征  
失利命公掛平蠻將軍印總兵致討卒檻送虫富京師餘黨  
悉降公還詔增祿百石令世其爵景泰初以南京根本重  
地委公守備公嚴立禁條宿弊一清不便者城心以流言乃解  
機務就閑天順元年春

上復臨朝召公便殿慰諭以勳舊命兼兵部尚書不數月軍

政脩明

賜金織蟒龍衣二襲尋以年邁請解部事從之特

免常朝

賜誥加奉天翊衛推誠宣力守正文臣特進光祿

大夫勳爵世襲如舊而

寵遇益加隆焉天順四年五月十

一日終于正寢享年八十有三訃聞

上嗟悼輟視朝一日追封靖遠侯謚忠毅公初娶張氏子二

人曰玉曰瑤俱早卒繼娶劉氏子二人長曰瑞應襲次曰珩

勳衛義子曰祥以征南功授錦衣衛指揮僉事孫男三人女

四人諸子扶匱歸東鹿以是年八月初八日葬于邑之平原

祖塋禮也公天資沉毅識量宏偉有文武長才遇事剛果劇

繁治劇不以爲難行師征討用法嚴明而料敵制勝雖老於

軍旅者有不及故所至輒能成功及其晚節保身全名守以

謙虛而忠愛之心始終如一誠一代之偉人也然所黨尤異



年雖高邁精力踰於少壯疾且亟神尤不乱遺言托家宰王公狀行而以墓銘屬時時誦材穉筆曷足以公不朽公既有命庸可固辭銘曰

天佑

皇明輔以忠良脩文立武咸展厥長於惟生公挺生冀土河嶽孕靈才兼文武早游藝範被贖書詩乃登黃甲給事瑣闥流譽蜚英踐馭中外爰陟同馬武儀有位雍容 殿陛正笏垂紳手提樞軸潛幹化鈞視師三邊程勇戒怯兵將力齊虜聞震疊其有狼噬輒擗以兵馘強俘弱西北用寧蠢爾遠夷敢爲民毒

帝命師征惟公總督建牙秉鉞令一而敵兵威遠震如火斯炎挫銳摧堅執勢同拉朽止弗窮追懷以仁厚彼昏不知伺間

竊發公而再往根株悉拔和風甘雨妖疇廓清西南萬里

我太平惟

帝念功百賞是懋列爵疏封寵延先後入文出武邈乎無倫名昭宇宙允爲元臣天不憖遺而遽不起山頽梁傾 朝野哀止爰稽德烈著于幽堂於千百世赫其有光

興化知府致仕岳君莫誌銘

葉盛

英宗皇帝旣復辟宥密之臣累出 親擢其第六人則吾友燕山岳君正也君固奇士而王吏部忠肅公又嘗亟稱其賢上雅重之君亦自幸魚水之遭凡所陳請所撰述所對答竭盡忠蓋多稱 旨一日湯序言變異以占法進云姦臣未盡之故

上以問君君叩首曰姦臣未聞求之將人人自危尼序術疎



淺宜不足信

上悅時石曹二猾勢方張君虞其將來必不靖因極言於上前且退而面開導之使爲保全計二猾雖陽喏好辭中實銜之蓋未幾君之禍作矣

上猶惜君甚止出爲欽州同知既又追及逮繫責成甘肅之鎮夷二猾尋踵敗

上惻然有思曰岳正言是也 召還將復有所用而

龍馭上升矣成化初君居母憂服闋御史有言當亟召用君以勸忠 詔仍元職吏部言當調南京有 旨其勿調命充經筵講官纂修

先朝實錄適兵部清黃官闕部院大臣會薦君遂以成化元年四月俾知興化府以行君在官生財惠民始譁而終服

號賢守有司者或不知禮君君廼有歸志歲己丑來觀講致

仕家居越三載爲成化八年九月十一日疾卒得年五十五

公卿以下皆往弔哭莫不嗟悼曰岳先生亡矣君字季方別

號蒙泉畿內灤縣人曾祖德甫祖思明父興懷遠將軍輕車

都尉府軍前衛指揮同知母太淑人劉氏君少年已能學有

名二十一領鄉薦卒業大學正統戊辰會試同考誤寘落卷

中侍講杜寧獨驚其又言於高文義公以爲此吾輩中人遂

占首選 廷試第三名授翰林編脩景泰三年陞右春坊贊

善兼編脩天順初元改脩撰是年六月被 命入內閣參預

機務及其得罪去僅一月耳君偉貌美髯言論灑灑動循矩

度居家孝弟交朋友有始終之誼平生性剛而志高抱負經

濟不輕屈下人有古豪傑之風石曹事或迂議之且以未信



為言直應之曰何得以諫官處我我道當如是其篤於自信  
如此人有不可意事雖權貴人當言即言之無宿藏而人不  
之察以故愛君者雖多卒不能勝夫嫉君者之屢也配宋氏  
孺人側室周氏王氏子男二增堂皆天女六長許嫁而卒已  
嫁者婿朱昱生員李經翰林編脩李東陽餘未行君之學精  
博旁熟莊騷至方外度數諸書無所不窺所著經解務出新  
意多儒先所未發惟深衣纂誤成書文章有類博藁若干卷  
書法晉唐可名家於平才美如君即特置華要

先皇帝

先皇帝之明也中間蹇連坎坷有若不堪處者然觀君今日  
之金緋在躬考終牖下自非

今上皇帝之明且仁則雖欲得此難矣若是者在君其亦可

以無憾哉以卒之年十月七日葬祖塋之側君之兄端前軍  
千戶祥哀君無子率其猶子培均坪坦墉長號嚮予乞銘予  
為作銘慰答之亦以慰君於地下焉爾銘曰

古有李白其人亡嗣亦有柳州擯斥以死其名之長弗繫乎  
此

大明故資德大夫正治上卿南京致仕兵部尚書兼

大理寺卿贈太子少保諡襄毅程公墓誌銘

劉珩

成化己亥秋九月二十有七日南京致仕兵部尚書兼大理  
寺卿休寧程公卒于正寢有司以訃

聞詔贈太子少保諡襄毅遣官諭祭營壙朝紳咸曰公一代  
人豪而今已矣可惜雖然 朝廷于其生加以穹泆于其休



褒以 爾書于其沒優以卹典且有象賢之子昌大其業是  
公雖死猶不死可謂無遺憾矣既而其子敏政慟謂予曰先  
生交先君子三十餘年僕又曾聆先生一日之教茲墓中誌  
銘敢以為託乃誌曰公諱信字彥實世居徽之休寧其先聞  
臣大儒載在簡冊可考高祖諱社元至正末用薦者起為承  
奉班都知不赴曾祖諱吉輔兩世妣皆吳氏祖諱杜壽

國朝洪武中謫居河間考諱俱以公貴贈兵部尚書兼大  
理卿祖妣汪氏妣張氏俱贈夫人公以易經中正統辛酉順  
天府鄉試明年第進士授吏科給事中己巳

英廟北征公偕廷臣上疏諫止不報已而師潰土木虜遂南  
侵京師戒嚴 命公守西城上言五事曰新號令以振軍威  
募勇敢以備警急召勤王以遏南侵設武備以防內變養銳

氣以備戰守皆見采納虜酋也先自西山一帶進薄都城都  
督孫鏜禦之失利乞領眾入城公堅持不可躬督諸軍自城  
上以火鎗礮石鼓譟為鏜援虜引去景泰紀元 命公充副  
使持節冊封 華陽王妃凡 王府有餽遺悉却之歸陞左  
給事中辛未九月

英廟還自迤北居南宮公復上中興固本十事曰敬天求賢  
納諫謹災節用詳刑選將練兵尚儉隆師而敬天一事則當  
時天象屢變請

景奉帝隆孝友之實以答天心之仁愛聞者壯之壬申陞山  
東右叅政總理遼東邊餉巡撫都御史奏倉官吏卒盜糧石  
以上者死乃造新斛視舊加二寸付公公立碎而火之曰使  
彼真盜死不足卹今故如此斛置人於死地豈情哉遼卒



至今能道其事會以憂去轉四川分巡所至問民疾苦松潘夷人作亂公偕侍郎羅綺進攻破其黑虎諸寨天順丁丑英廟復辟公奉表入賀時方錄景泰間上言之人遂留公爲太僕卿遼東巡撫缺員陞公都察院左僉都御史 賜勅以行守將海寧伯董興姻聯曹欽公一切裁之以正文造戰車創義倉行贖罪法設月輪簿凡百號令一新建州夷酋董山潛結朝鮮公使土官佟成授以成算往廉之得朝鮮授董山中樞院使制書以還公疏曰乘其未發急遣二使問之可伐其謀 朝廷乃命一給事往朝鮮一錦衣譯者往建州兩酋初不肯承出制書示之咸相顧愕然各貢馬謝罪虜酋亭來聚衆欲入寇公自率師巡邊營于境小者凡三月得風濕之疾自此始都指揮百霖事多不法與董山相結納僉事胡鼎

按其罪四十公以狀 聞詔中官及錦衣郭指揮逮霖而籍之不意中途受賂乃奏虛實相半都御史寇深因併劾公輕聽胡僉事言調南京大僕少卿刑部缺堂上官廷臣言非公不可召陞右侍郎尋以憂還河間

今上皇帝卽位起復公于兵部文轉左侍郎成化丁亥四川貴州山都掌蠻獠大壩山箐之險叛服不常陞公尙書提督軍務與襄城伯李瑾統番漢兵討之公至永寧自督大軍入金鵝池又分四路兵期會于大壩將士依公方略用神銃勁弩攻賊賊不能支連破二千餘寨獲銅鼓數十斬首五千級生擒二千餘賊復走入深洞公命軍士以土石窒其門以兵圍之月餘賊死洞中臭聞十餘里又陰察九姓土僚之附于賊者還師撲之未及載都掌悉平又布置衙門邊事以定凱



旋進兼大理卿有白金綵幣襲衣之賜前此公營大壩凡兩  
月淫雨不時瘴癘荐興舊恙復作至是四上疏請老俱不允  
辛卯春

上以雨雪不降求言公上言兵事可更張者四兵弊可伸理  
者五 詔下所司執政者難之未幾三邊有事悉如公所料  
南京缺叅督機務大臣廷臣交章薦公為宜

上允所請公至南京適彗出軒轅乃與六卿合議復上言興  
利除害三十餘事多見諸行他若汰貪縱循舊典可書者尚  
多在南京叅贊已四載復疏乞休

上重違公志賜勅還鄉有疾若去體其勿久安于家之語明  
年公還休寧里第又四年謝世距其生則永樂丁酉閏五月  
十六日得壽六十有三葬邑東南南山之原配林氏累封夫

人子男三長即敏政成化丙戌進士及第授翰林編修累陞

左春坊諭德學行為時所少第次敏德太學生次敏行邑庠生

早卒女一許聘忠義前衛指揮子凌雲漢孫男三填圻塏女

三俱幼嗚呼公儀觀魁偉資綱果六籍百子無不涉獵為

詩文略不經意而雄渾可傳事親孝少時嘗力耕以養居憂

廬墓側有芝產之瑞教子弟嚴而有方待內外親族恩義兼

盡遇故人子矜恤振拔惟恐不及凡百玩物一不以挂目為

諫官知無不言言必達大體而嫉惡太甚徃兩藩及法司必

以敬正輔長官不隱忍坐視以為賢掌兩京兵政及征伐俱

有成績又能任怨南京守臣或欲預餞穀詞訟公曰守備機

務所以謹非常若此乃有司之事也斷不可預論者以為得

體征川貴時 詔以便宜之權付公公自發兵至凱旋不爵



一人不殺一人同事者以爲言公曰刑賞  
人主之大柄懼闖外事不集而假之人若幸而事集文竊弄  
之豈人臣之道也論者又曰此古名臣之心名臣之言可以  
爲後世法若今敏政輩進進未已能昌大其業安知天之報  
公不在此邪晚號晴洲釣者有晴洲集若干藏于家銘曰  
於惟襄毅晉臣之系宋儒之裔豪傑其才剛大其氣於昭襄  
毅科第高登祿位馴致兵刑吏司留後是寄果哉襄毅衆方  
焚焚我獨易易不數言間能決大議偉哉襄毅車轍所至吾  
民獲利威震蠻夷名揚當世無憂襄毅之事武備有人承繼  
誕昌前烈引而弗替無憾襄毅善始令終  
聖恩特異歸于南山垂休千祀

皇明文衡卷之九十一

墓表

元故孝友祝公榮甫墓表

宋濂

濂嘗奉 詔總修元史凡天下有關史事者下郡國長吏博  
加采輯悉上送官往往吏非知書者以致龐雜淆亂不足以  
取徵孝友之人動至數千皆溢淨辭而乖實行濂令史官高  
啓撰次成編而親爲筆削之唯存一百六人皆灼然可以勵  
世博俗者而處之祝公榮亦其一焉竊與處雖連壤不知公  
榮之詳後七年公榮之子崑持所狀群行求文表諸墓道蓋  
公榮之歿已十八年矣狀之稱述皆傳中所略者遂次第而  
序之公榮諱大昌公榮字也居處之麗水官橋里姓祝氏祝  
出軒轅氏之後至周武王時封彭祖遠孫光爲福侯子孫爲